

ga, ash ga houit ga, N'da, yōta gwa, adat Barabbas alth ksha'aklthin ā gum :

19 Gault ga yōta ga na hash-hoshinshk gut gish ga gulzap ga, dīlth wil shūgiat ga, na gun zilum makshit gish ga wālp daklē ga.

20 Ada gik algiaksh Pilate gish dupniat, ash ga hashakt gish ga dumt ksha'aklthinsh Jesus ga;

21 Ada yagai wāmlahoudat ga, ash ga houit ga, Līzagunlth ā lak guzāgut, Līzagunlth ā lak guzāgut.

22 Ada houit gish dupniat ltha gwilish ga houit ga, Wai, gaulth hadak gulth wāl didā gū yōta gwa? Althga na wālth gau za dum gun zaqushit: n'dum gun am wunezak dit ada n'dum ksha'aklthin dit.

23 Ada lthāwil shim wāmlahoudat ga, ash gut gwunōsh ga dum līzaqushit gish ga lak guzāk ga. Ada gagutletsh ga ga'amhouit ga.

24 Ada wil haizumgushk gish Pilate gish ga dum wilāōqushit gish ga gau ga gwunōit ga.

25 Ada wilt ksha'aklthinsh ga nat zilum magat gish ga zum wālp daklē gish ga na wil hash-hoshilshk gut ga dīlth wil shūgiat ga, gū ga gwunōish ga, giat ga: ada alt Jesus' ga ginamt gish ga dumt hoigiagunsh ga gagaud ga.

26 Ade lthat dadoultht ga, adat gidigāsh ga gault ga t'Simonum Cyrene ga, wātk gut gish ga gilhouli ga, adat lishgūsh ga guzāk gish ga lakot ga, ash ga dumt golzakht gish ga tkulānsh Jesus ga.

27 Adat liyāgut ga wī wilhēlgiat ga, dīlth hanānak ga gū ga baugut ga ash gut āōt ga.

28 Ada tgiwiyelthk gish Jesus gish dupniat, ada houit ga, Klthgū'am hanānaklth Jerusaleim, gilau ma shim āwūt, yagai lipgeluksh ouāōtk ga shim, dīlth na gūklthgū shimt,

29 Awil nī, dum gutgoiduksha sha, dum da houdit, Gumgaulth wāla whati gūklthgū dit, dīlth nashgūumlth ga t'in gup whati dagoiduksha giadit, dīlth mashka na wagait whati m'maumlthk ga dit.

30 Ada wil hīāgwa dum houdi da shikshgunishit, Līlina shim ā lakomt; dīlth lakdidit, Līliyūdam.

31 Awil amiza wāl diya gwaya kshilukshum gunt, n'dalth dum wila wāl diya gūanuksha dit?

32 Ada gik dī dupkadōlsh ga gāzāout ga, hadadak gut ga, shila dahabat gish ga dumt wil yezt ga.

33 Ada lthat wāsh gut shūwādit gulth, Dum wilwālgat, Nīnīsh gut wil līzagwut gish ga lak guzāk ga, dīlth hadadak gut ga, gaul ga nakshimiyāōnt ga, ada gaulsh ga medakīāōnt ga.

34 Ada housh Jesus ga, Nagwāt, gumgaudun ash dupniat; āwil althgat wilai gau wāl dit. Adat bishbashagunsh ga na wishwashit gish ga shpagat ga, ada nīyēyikt gut.

35 Ada makshk gish ga giat gut in nīst ga. Ada dī nashgatk gish ga alalgiagushk gut gish niat, ash ga houit ga, Nha dilamautk ga da lukshgigiadit; ām lip geluksh dimaurksha dit, amiza yagai nīdalth Christk gish ga Shimoigiat ga Lakāgut, na lip kshanāzīt.

36 Ada dī nashgatk gish ga soldiers gish niat, ash ga gutgoiduksht gish ga āwāt gish ga, dumt ginamsh ga kshamaulukshak gish niat,

37 Ash ga houit ga, Amilth yagai nīdalth king gulth Jews ā gwan, lip geluksh dimautkshin.

38 Ada gik nadamtk gish ga lakot ga, Gwai king ga Jewsit.

39 Ada lagu algiaksh ga gault ga hadak gut gut shagit gish niat, ash ga houit ga, Gukshā nīnīsh Christa